

衢州文獻集成

〔史部〕

第
99
冊

衢州文獻集成

黃靈庚 諸葛慧艷

主編

〔史部〕

第
99
冊

國家圖書館出版社

(清)徐金位 撰

捕蝗事宜二卷

清乾隆刻本

捕蝗事宜二卷 提要

清徐金位撰。金位有「乾隆」《新野縣志》，前已著錄。乾隆二十四年夏，金位任夏邑知縣，時遭飛蝗過境。當時捕蝗已有成法，然未能盡善。金位隨時隨地設法剿捕，盡力撲捕，挖除蝻子，禾稼無傷。因蒙各憲批飭，遂將捕蝗之法刊行。此書首爲金位《彙刊續增捕蝗事宜小序》，次爲各憲司批飭。卷上《原奉頒捕蝗事宜十條並圖說四宗》爲故有捕蝗成法，卷下《附釘續增捕蝗事宜二十條》爲金位新訂。上卷末金位言：「以上事宜十條及圖說四條，捕蝗之法，已極詳盡。如果官民遵照奉行，自可永除蟲孽。至應如何約束書役不致擾累閭閻，及如何因地變通不徒拘泥成法，是在實力奉公之賢牧令，並實心督率之賢太守矣。」可見，徐氏之法較之舊法不擾百姓且能因地變通。此書據乾隆刻本影印。

第九九冊目錄

捕蝗事宜二卷

(清)徐金位撰
清乾隆刻本

一

滇南礦廠圖略二卷

(清)吳其濬撰 徐金生繪輯
清道光刻本

三七

井田圖解不分卷

(清)徐興霖撰
清道光九年(1829)活字本

四〇九

彙刊續增捕蝗事宜小序

黍邱接壤江省已卯夏位調任茲邑適有飛蝗過

境蒙

各憲恫瘼民瘼檄飭查照頒發捕蝗各條實力防捕

位遵奉成法晝夜撲捕挖除蝻子以盡遺孽禾稼

毫無損傷伏見捕蝗法則冊內已經詳載如能遵

奉事易法良無難奏功固不待贅第位親歷其事

隨地隨時設法勦捕竊見尙有一二未盡之處管

窺所及不妨爲同志共之不揣鄙瑣謹將應增各
條繕釘成本稟呈

各憲隨蒙批飭刊刷附釘移送茲遵奉刊刻附於原
頒捕蝗事宜冊末以俟 高明採擇焉

岢

大清乾隆二十四年歲在屠維單閼月纏大梁之次
河南歸德府夏邑縣知縣徐金位撰



案蒙

太子少傅兵部右侍郎兼都察院右副都御史巡撫河南

等處地方兼提督銜節制全省軍務並駐防滿營官兵

兼理河道加五級紀錄六次胡諱寶琮 批位稟前事

蒙批據呈續增捕蝗事宜極爲明晰周詳具見留意仰

卽刊刷附釘移送各州縣查照可也此繳蒙此又蒙

欽命河南等處承宣布政使司布政使加一級紀錄十五次

蘇諱崇阿 批同前因蒙此又蒙

特授河南按察使司分巡開歸陳許兼管河務兵備道加三

級軍功紀錄九次鄧諱錫禮 批同前因蒙此又蒙

特授歸德府正堂紀錄十次又軍功紀錄三次英諱德 批

同前因蒙此案蒙

前撫部院蔣諱炳 爲切指捕蝗事宜通飭各屬遵守

以保田禾事照得蝗蝻爲害最烈捕法例議綦嚴人事

盡則天不爲災條教明則民知其守上年開衛等屬間

有蝻孽萌生經本部院親歷各地方督率文武員并設

法撲捕雖不致於蔓延終難免於侵損前事之舉後事之師本部院敬查歷年欽奉

上諭訓誡諄詳又經

廷臣奏議以及豫省向年酌籌搜捕之法已極周詳總在預先防範及早撲除則爲力較易惟是奉行日久州縣視爲具文詞義晦澁愚民難以共曉今將歷年議定成法摘其緊要事宜簡明彙刊成冊發給州縣俾官民咸知遵守所有各條開列於後



原奉頒捕蝗事宜十條并圖說四宗

卷上

一凡低窪之地或濱河過水之區有魚蝦遺子次年春夏
遇澇仍成魚蝦遇旱化爲蝻子其上年飛蝗停落之處
下子在地一交春令卽漸生發該地方官務須預飭各
鄉地併地主入等將四鄉低窪濱河曾經過水併上年
飛蝗停落之處先行查明坐落地方開造清冊存案該
州縣官於二三月間卽按冊巡視搜捕不得遺漏
一凡蝻子多生於硬實之地凡有蝻子者交春土必浮鬆

墳起細看定有小穴該鄉地於驚蟄後務須照冊開地
方督率地主及附近村民逐細查看見有墳起鬆土尋
得小穴立即刨挖蝗性群飛群落得有未成形蝻子即
在附近處所搜尋務須淨盡不留遺孽將子交官給賞
一蝻子甫經出土如蠅如蟻結連成片未能跳躍拍打甚
易應責成地主地鄰及鄉地人等遍行查看見前項蝻
子立即報官用布墻圍捕之法拍打盡淨掃取送官給
賞該州縣如有隱匿照例嚴叅

一 蝻子至跳躍時計日卽可生翅務應速捕地主佃戶隣
右鄉保人等早應具報該管州縣應早爲通報一面會
同文武帶領兵役星往拍捕其捕治擇隙地挖成深溝
三四尺長三四丈督帶夫役攜帶鞋底掃帚簸箕等物
預備布袋並帶上年飭製布牆在有蝻之地三面密圍
共力趕打掃除務令盡入深溝隨卽捕取袋入布袋送
驗有跳躍出溝者隨卽拍打掃入或烈而焚之將灰燼
用土掩蓋踏至堅實其有蝻子跳入於穀麥之內者須

順穀麥之畛俯身就地隨拍隨逐將蛹子趕入溝內照前捕除焚埋撲滅之後卽行據實結報聽候查驗

一蛹已生翅值清晨之際露重沾翅或至中午雌雄相配俱僅跳躍不能奮飛應於此二時督率人夫上緊打拍仍照前圍趕拍捕淨盡不得少緩須臾蛹至長翅能飛則地方官民兵役之撲捕不力實甚照例將地方官叅革拿問地戶鄉保人等一體治罪

一外來飛蝗在空中高低不等人力難施惟有多帶鳥鎗

花砲銅鑼分頭四出并攜帶口袋鞋底響帚掃帚簸箕及長竿縫綴布幅驅除蝗在空中卽施鎗放砲鳴鑼吶喊搖動長竿尾其後而驚逐之遇飛蝗落下卽行拍打掃除又於晚間在所挖各溝內預貯柴草燃火光出溝上則蝗俱投入可以盡力拍打

一外來飛蝗一入本境該地主鄉保飛報州縣會同營汛帶領兵役星赴該處派撥人夫用力撲捕如飛出境外卽飛關該處州縣接捕如飛蝗入境地主鄉保不報或

稟報遲延俱行重責如印官公出卽報吏目典史一面會營往捕一面通報如地主鄉保報官往捕遲延并飛入隣境不關會接捕者照例叅革拿問

一凡挖得土內未成形蛹子一升者破格給穀一斗掃得已出土成形蛹子一升者給穀三升捕得跳躍蛹子一升者給穀貳升捕得長翅飛蝗一升者給穀一升不足一升者按數酌給該地方官分設廠所隨交隨驗卽行給穀仍將所收蝗蛹分項煮熟存貯候驗方准開銷其